

An Chomhairle um Oideachas
Gaeltachta & Gaelscolaíochta






An Tairseach

Acmhainní agus Tacaí do Mhúinteoirí
Pobail Chleachtais a Chruthú agus a Choilú

Club Leabhar

Moltaí maidir le
cur chuige sa seomra ranga
agus sa scoil



Club Leabhar

An múinteoir ag léamh os ard/ Mar thaifead

Is féidir na chéad chaibidilí a léamh os ard leis an rang. Is féidir iarraidh ar na daltaí/ scoláirí an scéal a léamh leat agus tú ag léamh nó mar thasc éisteachta agus bheith ag éisteacht gan téacs os a gcomhair.

Daltaí/ Scoláirí ó ranganna Eile ar cuairt

D'fhéadfaí iarraidh ar dhaltai agus ar scoláirí eile ó ranganna eile teacht i láthair agus plé a dhéanamh ar na leabhair a thaitníonn leo agus na húdair is fearr leo a léamh agus na cúiseanna chuige sin. *Tá féidearthachtaí anseo chomh maith le hobair leis an leabharlann áitiúil agus le daoine eile sa phobal chomh maith le teacht isteach agus le plé a dhéanamh ar scéalta, ar leabhair agus ar údair.

Léitheoireacht i gcomhpháirt

D'fhéadfaí daltaí/ scoláirí a chur ag léamh i gcomhpháirt le daltaí/ scoláirí níos sine agus níos óige, le héisteacht le daoine eile ag léamh an scéal os ard, nó go ciúin, le ceist a chur agus le plé a dhéanamh ar théamaí, ar charachtair, ar fhoclóir agus eile.

Cuairt ar an leabharlann áitiúil

Más rud é go bhfuil sé d'ádh agaibh agus ag an scoil bheith gar don leabharlann áitiúil d'fhéadfaí cuairt a eagrú chuig an leabharlann. Bealach le foghlaim faoi na seánraí éagsúla atá ann, le breathnú ar an mbealach le leabhair a rangú agus a chur i gcatagóir. Chomh maith leis sin is deis é do dhaltai agus do scoláirí ballraíocht a ghlacadh agus foghlaim faoi na seirbhísí éagsúla a chuirtear ar fáil sa phobal.

Nasc leis an mbaile

D'fhéadfaí iarraidh ar dhaltai/ ar scoláirí plé a dhéanamh ar an gClub Leabhar sa bhaile, le tuismitheoirí/ caomhnóirí, le deartháireacha, le deirfiúracha agus cur síos a thabhairt ar na cineálacha scéalta agus seánraí a thaitníonn leo agus nach dtaitníonn leo agus plé a dhéanamh ar na rudaí éagsúla a d'fhoghlaim siad.

Club Leabhar

Leag uait agus Léigh/ Drop Everything and Read

Leag uait pé obair atá idir lámhe agat agus léigh an scéal atá agat. D'fhéadfai é a dhéanamh gach aon lá (bunscoil) nó ó am go chéile (lar-bhunscoil).

Club Leabhar ag am lóin/ Lasmuigh den cheacht 'Gaeilge'

Is féidir póstaer a chur in airde agus dáta/ am agus áit a eagrú. Is féidir an Club Leabhar a reachtáil ag am lóin nó tar éis na scoile. Moltar go mbeadh múinteoir amháin i bhfeighil agus múinteoir eile mar thacaíocht, más gá. Tá ábhar tacaíochta ar fáil le caint agus plé a spreagadh agus le hiarraidh ar dhaltai agus scoláirí a dtuairimí agus smaointí a chur in iúl.

Cuairt ó scríbhneoir

Mar chuid den Chlub Leabhar iarrtar ar scríbhneoirí cuairteanna a thabhairt ar scoileanna le ceardlanna a reachtáil. Is faoin scoil agus faoin scríbhneoir atá sé rogha agus cinneadh a dhéanamh más ceardlann scríbhneoireachta/ léitheoireachta nó agallamh a bheidh ann. Is cur chuige maith é cuairt ó scríbhneoir, oibríonn sé le daltaí agus scoláirí a spreagadh chun léitheoireachta agus chun scríbhneoireachta.

Taispeántas sa seomra Ranga/ sa scoil

D'fhéadfai taispeántas a chur in airde timpeall an tseomra ranga agus na scoile faoin leabhar atá á léamh ag daltaí agus scoláirí. Pictiúir, foclóir, luaschartaí, póstaer a dhearadh a bhaineann le téamaí, le plotáí agus le carachtair.

Cur i láthair sa Seomra Ranga/ sa Scoil

D'fhéadfai cur i láthair a dhéanamh ar scéalta a thaitníonn agus nach dtaitníonn le daltaí agus scoláirí agus na cúiseanna chuige sin. D'fhéadfai iarraidh ar dhaltai nó ar dhaltai cur i láthair a dhéanamh ar an scéal agus cúlra a thabhairt agus léirmheas a thabhairt ar an scéal.

Club Leabhar

Cur chuige sa seomra ranga

Ag léamh leis an múinteoir le macalla

Ag léamh go córúil

Ag léamh go ciúin

Ag léamh os ard

Ag léamh i mbeirteanna/
sealanna ag léamh